



REPUBLIKA E SHQIPERISE
GJYKATA E SHKALLËS SË PARË TË JURIDIKSIONIT TË
PËRGJITHSHËM ELBASAN

ANALIZË

MBI VEPRIMTARINË

E

GJYKATA E SHKALLËS SË PARË TË
JURIDIKSIONIT TË PËRGJITHSHËM
ELBASAN
PËR VITIN 2023

**ANALIZA VJETORE E GJYKATËS SË SHKALLËS SË PARË TË JURIDIKSIONIT TË
PËRGJITHSHËM ELBASAN, PËR VITIN 2023**



REPUBLIKA E SHQIPËRISË

**GJYKATA E SHKALLËS SË PARË TË JURIDIKSIONIT TË PËRGJITHSHËM
ELBASAN**

Nr. 596 Prot,

Datë 18/03/2024

**ANALIZA VJETORE E GJYKATËS SË SHKALLËS SË PARË TË JURIDIKSIONIT
TË PËRGJITHSHËM ELBASAN PËR VITIN 2023**

Dokumenti Analiza Vjetore e Gjykatës përfaqëson në mënyrë të përmblodhur analizën e punës së kryer dhe performancën e Gjykatës së Shkallës së Parë të Juridiksionit të Përgjithshëm Elbasan gjatë vitit kalendarik 2023, parashton njëkohësisht problematikat e konstatuara gjatë këtij viti përsa i takon funksionimit të institucionit në tërësi si dhe sfidat për të ardhmen.



Tema të analizuara:

I. Hyrje

II. Veprimtaria Gjyqësore

1. Ngarkesa dhe lloji i çështjeve gjyqësore.
2. Tendenca e ngarkesës me çështje.
3. Likujdimi/përfundimi i çështjeve.
 - a. *Çështjet penale themeli*
 - b. *Kërkesa penale*
 - c. *Kërkesa penale në seancë paraprake*
 - d. *Kërkesa penale-administrative*
 - e. *Çështjet civile*
4. Ngarkesa me çështje për gjyqtar.
 - a. *Delegimet e gjyqtarëve*
5. Shpejtësia në gjykim.
6. Heqjet dorë nga gjykimi i çështjeve.
7. Përrjashtimet e gjyqtarëve nga gjykimi i çështjeve.

III. Menaxhimi i Lëvizjes së Çështjeve Gjyqësore

1. Mbikqyrja e progresit të çështjeve.
2. Sistemi elektronik i menaxhimit të çështjeve gjyqësore.

IV. Menaxhimi administrativ i gjykatës

1. Organika dhe burimet njerëzore.
2. Këshilli i gjykatës dhe titullari
3. Teknologjia e informacionit.
4. Ofrimi i shërbimeve nga administrata gjyqësore.
5. Këshilli i gjykatës
6. Aksesit, transparenca, marrëdhëniet me publikun dhe median.
7. Çështjet e ruajtjes dhe sigurisë në gjykatë.
8. Administrimi i fondeve publike
9. Auditi i Brendshëm nga KLGJ
10. Marrëdhëniet me institucionet e tjera.

I. HYRJE

Në Gjykatën e Shkallës së Parë të Juridiksionit të Përgjithshëm Elbasan aktualisht ushtrojnë detyrën 12 gjyqtarë, nga 18 gjyqtarë që ka në organikë kjo gjykatë. Viti 2023, filloi me një organike prej 6 gjyqtarësh, por në korrik 2023, ky numër u reduktua në katër, pas shkarkimit nga KPK të një gjyqtari dhe me komandimin e një gjyqtari tjetër në Gjykatën e Lartë. Në fund të muajit shtator 2023, një tjetër gjyqtare mori lejen e barrë-lindjes, duke bërë që në këtë gjykatë, për rreth një muaj, të gjykonin çështjet gjyqësore vetëm 3 gjyqtarë. Në 16 Tetor 2023, në Gjykatë e Shkallës së Parë të Juridiksionit të Përgjithshëm Elbasan u transferuan nga gjykatat e tjera 4 gjyqtarë dhe po ashtu, disa ditë më pas, filluan detyrën 3 magjistratë të rinj. Po kështu, në muajin Dhjetor, u kthye nga leja e barrë-lindjes edhe një gjyqtare. Kjo gjë bëri të mundur një përmirësim deri diku të gjendjes që ishte krijuar gjatë pjesës tjetër të vitit.

Në Gjykatë e Shkallës së Parë të Juridiksionit të Përgjithshëm Elbasan, gjatë periudhës Janar-Tetor 2023, për shkak të pakësimit të numrit të gjyqtarëve, nuk ka patur ndarje në seksionet penale dhe civil dhe çështjet gjyqësore penale dhe civile gjykoheshin nga një seksion i përgjithshëm. Me shtimin e numrit të gjyqtarëve, në muajt e fundit të vitit, me Vendimin Nr.4, datë 27.10.2023 të Këshillit të Gjykatës, u vendos krijimi i seksionit civil dhe seksioni penal. Këta të fundit gjykojnë edhe kërkesat e seancës paraprake.

Në Gjykatën e Shkallës së Parë të Juridiksionit të Përgjithshëm Elbasan, në mbështetje të nenit 28§2 të Kodit të Drejtësisë Penale për të Mitur, të miratuar me ligjin nr.37/2017, dhe Udhëzimit nr.79 datë 30.05.2019 të Këshillit të Lartë Gjyqësor, me Vendim të Këshillit të Gjykatës, janë caktuar si gjyqtarë të specializuar për çështjet penale me të mitur, gjyqtar Elis Dine, gjyqtare Thomaidha Roça dhe gjyqtar Artur Prenga, duke përfshirë këtu gjykimin e çështjeve penale me të mitur në konflikt me ligjin ose të mitur viktimë nga vepra penale.

II. VEPRIMTARIA GJYQËSORE

1. NGARKESA DHE LLOJI I ÇËSHTJEVE GJYQËSORE.

Gjatë vitit 2023 në Gjykatën e Shkallës së Parë të Juridiksionit të Përgjithshëm Elbasan janë paraqitur për shqyrtim **në total 8634 çështje** (të natyrës penale, penale-administrative, civile dhe familjare). Në numrin e çështjeve për shqyrtim përfshihen **3383** çështjet e mbartura nga viti 2022 dhe **5251** çështje të regjistruara të reja në vitin 2023. Nga totali i çështjeve për shqyrtim, për **4301** çështje ka përfunduar gjykimi në vitin 2023, ndërsa **4333** çështje kanë mbetur papërfunduar dhe janë mbartur për gjykim në vitin 2024, sipas tabelës 1.

**ANALIZA VJETORE E GJYKATËS SË SHKALLËS SË PARË TË JURIDIKSIONIT TË
PËRGJITHSHËM ELBASAN, PËR VITIN 2023**

Tabela.1

Volumi i Çështjeve viti 2023	Numri
Çështje të gjykuara	4301
Çështje të mbartura në 2024	4333
Totali i çështjeve për shqyrtim	8634
Çështje të regjistruara të reja në 2023	5251

Nga totali i çështjeve të gjykuara rezulton se:

1. **Në lëndë penale**, ka përfunduar gjykimi për një total prej **2695** çështje. Në këtë numër përfshihen çështje penale themeli, penale të posaçme, kërkesa penale-administrative, kërkesa penale gjatë hetimeve paraprake, në seancë paraprake dhe kërkesa penale gjatë fazës së ekzekutimit të dënimit.
2. **Në lëndë civile dhe familjare** ka përfunduar gjykimi për **1606** çështje.

Nga analiza e të dhënave të mësipërme, rezulton se ngarkesa me çështje gjyqësore ishte shumë e lartë për organikën prej vetëm 6 gjyqtarë që ka patur gjykata gjatë pjesës më të madhe të vitit të gjykatës. Me fillim e punës të gjyqtarëve të rinj, kjo ngarkesë është normalizuar disi.

Numri i çështjeve penale është e lartë për shkak se Gjykata e Shkallës së Parë të Juridiksionit të Përgjithshëm Elbasan, mbulon kërkesat e të dënuarve në IEVP-Peqin dhe IEVP-Kosovë, Lushnje. Po ashtu, përfshihen edhe kërkesat e të dënuarve në paraburgimin e Elbasanit.


2. TENDENCA E NGARKESËS ME ÇËSHTJE.

Për të parë tendencën e ngarkesës le ti referohemi tabelat e çështjeve për 5 vitet e fundit, duke bërë edhe krahasimet përkatëse:

Tabela.2

	Çështje të regjistruara për gjykim	Çështje të gjykuara	Çështje të mbartura
Viti 2023	8634	4301	4333
Viti 2022	9953	6570	3383
Viti 2021	9258	6664	2594
Viti 2020	8924	6722	2202
Viti 2019	9437	7929	1508


ANALIZA VJETORE E GJYKATËS SË SHKALLËS SË PARË TË JURIDIKSIONIT TË PËRGJITHSHËM ELBASAN, PËR VITIN 2023



Raporti i numrit të çështjeve rregjistruara në total (përfshirë të mbartura nga viti paraardhës) në 5 vitet e fundit:

Tabela.3

Çështje të regjistruara në total (penale dhe civile)				
Viti 2019	Viti 2020	Viti 2021	Viti 2022	Viti 2023
9433	8924	9258	9953	8634




**ANALIZA VJETORE E GJYKATËS SË SHKALLËS SË PARË TË JURIDIKSIONIT TË
PËRGJITHSHËM ELBASAN, PËR VITIN 2023**

Numri i çështjeve të regjistruara të reja (duke mos përfshirë të mbarturat nga viti i mëparshëm) në 5 vitet e fundit:

Tabela.4


Çështje të regjistruara të reja (penale dhe civile)				
Viti 2019	Viti 2020	Viti 2021	Viti 2022	Viti 2023
7814	7683	7056	7359	5251



Numri i çështjeve të gjykuara në vitet e fundit:

Tabela.5

Çështje të gjykuara penale dhe civile				
Viti 2019	Viti 2020	Viti 2021	Viti 2022	Viti 2023
7929	6722	6664	6570	4301



Të dhënat statistikore për tendencën e ngarkesës me çështje për vitet e fundit tregojnë se në vitin 2023 krahasuar me vitet katër vitet e mëparshëm, ka një rënie të theksuar të çështjeve të gjykuara. Në këtë drejtim, ka ndikuar padyshim zvogëlimi i numrit të gjyqtarëve, duke patur një koeficient 6.1 të numrit mesatar të gjyqtarëve për gjatë viti 2023, ashtu si edhe në vitin 2022. Ky koeficient për vitet 2021 dhe 2020 ishte përkatësisht 8 dhe 10.

Në këtë aspekt, pavarësisht numrit më të vogël të çështjeve të gjykuara gjatë vitit 2023, nuk mund të flasim për një tendencë në rënie, pasi ky vit paraqitet si vit me numër të lartë të çështjeve të gjykuara për gjyqtar.


Megjithëse gjatë vitit 2023, ngarkesa ishte e lartë për numrin e gjyqtarëve efektivë në gjykatë, në dy muajt e fundit, me ardhjen e gjyqtarëve të rinj, pati një rishpërndarje të çështjeve dhe shpresojmë që gjatë vitit 2024, sidomos në 6 mujorin e dytë, do kemi një rikthim në normalitet për sa i përket ngarkesës.

3. LIKUJDIMI/PËRFUNDIMI I ÇËSHTJEVE.

Numri i çështjeve të mbartura në fund të vitit, për vitin pasardhës, në pesë vitet e fundit:

Tabela.6

Çështje të mbartura në fund të vitit, për vitin pasardhës (penale dhe civile)				
Viti 2019	Viti 2020	Viti 2021	Viti 2022	Viti 2023
1508	2202	2594	3383	4333



Nga analiza e të dhënave të mësipërme rezulton se në fund të vitit 2023, numri i çështjeve të mbartura është rritur me rreth 28% krahasuar me vitin paraardhës. Kjo rritje, një vit më parë ishte 24%

Rritja e numrit të çështjeve të mbartura në fund të vitit 2023 lidhet me arsyet e përmendura më sipër, pra me numrin e vogël të gjyqtarëve si dhe me rritjen e ngarkesës individuale të gjyqtarëve të mbetur.

**ANALIZA VJETORE E GJYKATËS SË SHKALLËS SË PARË TË JURIDIKSIONIT TË
PËRGJITHSHËM ELBASAN, PËR VITIN 2023**

Në tabelën vijuese, pasqyrohen të dhënat e numrit të çështjeve penale dhe civile, mbetur pa përfunduar në fund të vitit 2023:

Tabela.7

Lloji i çështjeve të mbartura	Numri i çështjeve të pa përfunduara në fund të vitit 2023
Civile	2404
Penale	1909

Norma e zgjidhjes/likuidimit të çështjeve “*Clearance rate*”, (që është raporti i thjeshtë i dalë nga pjestimi ndërmjet çështjeve të zgjidhura me çështjet e reja të regjistruara brenda një periudhe vjetore, i shprehur në përqindje), në vitin 2023 është **81.90%**, pra më e vogël se e vitit 2022 dhe vitit 2021, ku kjo vlerë ishte përkatësisht **89.27 %** dhe **94.44 %**. Norma e zgjidhjes së çështjeve tregon nëse gjykata ka qënë e aftë të zgjidhë më shumë çështje se sa janë regjistruar për shqyrtim dhe për rrjedhim nëse edhe një pjesë e çështjeve të mbartura nga viti i mëparshëm janë zgjidhur. Norma e likuidimit mbi 100% është tregues pozitiv për likuidimin e çështjeve si Gjykatë. Vlera e *Clearance rate* për vitin 2023 sigurisht që në shikim të parë, nuk konsiderohet pozitive, por ajo thjesht tregon pamjaftueshmërinë e numrit të gjyqtarëve që ka patur gjykata dhe përpjekjet e jashtëzakonshme të këtij grupi të vogël gjyqtarësh që me çështjet e përfunduara këtë vit, kanë mbajtur *Clearance rate* ende në vlerën **81.90%**.

Në fakt, në dallim nga vitet e mëparshme, konstatohet që norma e likuidimit të çështjeve penale është më e lartë se norma e likuidimit të çështjeve civile, përkatësisht **90.71 %** dhe **70.44 %**. E gjithë kjo, shpjegohet me faktin që grupi prej 3-4 gjyqtarësh të mbetur, në mënyrë që të respektonte afatet ligjore, u mundua të gjykonte kryesisht çështjet penale. Mendoj që rritja e numrit të gjyqtarëve në fund të vitit dhe ndarja në seksione, do të ndikojnë në përmirësimin e situatës dhe në menaxhim më aktiv në qarkullimin e çështjeve, si penale ashtu edhe civile. Gjithsesi, duke patur parasysh edhe ngarkesën relativisht të lartë për gjyqtar të çështje të regjistruara të reja në vitin 2023, si dhe numrin e gjyqtarëve gjatë vitit, ky tregues i këtij viti mund të konsiderohet i pranueshëm.

- Për të gjitha çështjet e shqyrtuara në gjykatë në vitin 2023, norma e përfundimit/likuidimit të çështjeve “*Clearance rate*” është **81.90 %**.

$$\text{Clearance rate}_{total} = \frac{4301 \text{ [numri i çështjeve të gjykuara 2023]}}{5251 \text{ [numri i çështjeve të reja për 2023]}} \times 100\% = 81.90\%.$$

- Për çështjet e natyrës **penale**, norma e përfundimit/likuidimit të çështjeve “*Clearance rate*” është **90.71%**

$$\text{Clearance rate}_{penale} = \frac{2695 \text{ [numri i çështjeve të gjykuara 2023]}}{2971 \text{ [numri i çështjeve të reja për 2023]}} \times 100\% = 90.71\%.$$

**ANALIZA VJETORE E GJYKATËS SË SHKALLËS SË PARË TË JURIDIKSIONIT TË
PËRGJITHSHËM ELBASAN, PËR VITIN 2023**

- Për çështjet e natyrës **civile**, norma e përfundimit/likuidimit të çështjeve “*Clearance rate*” është **70.44 %**

$$\text{Clearance rate}_{\text{civile}} = \frac{1606 \text{ [numri i çështjeve të gjykuara 2023]}}{2280 \text{ [numri i çështjeve të reja për 2023]}} \times 100\% = 70.44 \%$$

a. Çështje penale themeli.

Nga **517** çështje të gjykuara të natyrës penale themeli, rezulton se **503** prej tyre janë gjykuar me trup gjykues të përbërë nga një gjyqtar, ndërsa **14** çështje penale janë gjykuar me trup gjykues të përbërë me tre gjyqtarë.

Pas muajit Gusht të vitit 2017, pra edhe në këto vite në vazhdim, rezulton një numër i vogël çështjesh të gjykuara me trup gjykues të përbërë me tre gjyqtarë, për shkak të ndryshimit në nenin 13 të K.Pr.Penale, që lidhet me rritjen e maksimumit të dënimit penal nga 7 vjet në 10 vjet, për çështjet që gjykohen me tre gjyqtarë.

Tabela.8


Nr.	Natyra e çështjeve	Numri i çështjeve në vitin 2019	Numri i çështjeve në vitin 2020	Numri i çështjeve në vitin 2021	Numri i çështjeve në vitin 2022	Numri i çështjeve në vitin 2023
1	Penale themeli	801	739	872	714	517
2	Kërkesa penale, kërkesa administrative-penale etj.	4173	3576	2334	2810	2178

Në lidhje me vendimmarrjen e gjykatës në çështjet e natyrës penale themeli, rezulton se gjatë vitit 2023, janë dënuar në total **582** persona, **26** gra dhe **556** burra, nga të cilët **6** të mitur në konflikt me ligjin (meshkuj). Për 3 persona gjykata ka dhënë vendim pafajësie, për 19 persona gjykata ka vendosur pushimin e çështjes penale.

Tabela.9

Të dënuar	Numri personave në vitin 2019	Numri personave në vitin 2020	Numri personave në vitin 2021	Numri personave në vitin 2022	Numri personave në vitin 2023
Burra (adult)	760	727	851	804	550
Gra	42	37	67	24	26
I mitur në konflikt me ligjin (meshkuj)	10	6	10	13	6
Totali të dënuar	812	770	928	841	582
Totali pafajësi	16	25	9	12	3
Pushimin e çështjes	40	36	62	36	19

ANALIZA VJETORE E GJYKATËS SË SHKALLËS SË PARË TË JURIDIKSIONIT TË PËRGJITHSHËM ELBASAN, PËR VITIN 2023



Gjatë vitit 2023 në Gjykatën e Shkallës së Parë të Juridiksionit të Përgjithshëm Elbasan janë gjykuar 6 të mitur në konflikt me ligjin. Në mbështetje të nenit 28§2 të Kodit të Drejtësisë Penale për të Mitur të miratuar me ligjin nr.37/2017, në zbatim të Udhëzimit nr.79 datë 30.05.2019 të Këshillit të Lartë Gjyqësor, “Për caktimin e gjyqtarëve, për gjykimin e çështjeve penale me të mitur në konflikt me ligjin ose të mitur viktimë nga vepra penale” janë caktuar gjyqtarët e specializuar për çështjet penale me të mitur, për gjykimin e çështjeve penale me të mitur në konflikt me ligjin ose të mitur viktimë nga vepra penale.

Në tabelën që pason po paraqesim të dhëna statistikore për numrin e çështjeve të gjykuara në bazë të figurës së veprës penale:

Tabela.10

Nr.	Figura e veprës penale	Neni i K.Penal	Numri i çështjeve të gjykuara				
			Viti 2019	Viti 2020	Viti 2021	Viti 2022	Viti 2023
1	Vrasjes me dashje	Neni 76 i K.Penal	2	1	0	2	3
2	Vrasjes me paramendim	Neni 78/1 K.Penal	0	1	1	1	0
3	Vrasje ne rrethana cilësuese	Nenet 79/a dhe 79/dh të K.Penal	0	0	0	0	3
4	Plagosje e rëndë me dashje	Neni 88 i K.Penal	2	2	3	2	1

**ANALIZA VJETORE E GJYKATËS SË SHKALLËS SË PARË TË JURIDIKSIONIT TË
PËRGJITHSHËM ELBASAN, PËR VITIN 2023**

5	Vjedhje	Neni 134/1,2 i K.Penal	50	29	61	35	28
6	Vjedhje me dhunë	Neni 139 i K.Penal	0	1	1	1	1
7	Falsifikimit të dokumenteve	Neni 186 K.Penal	2	3	2	4	5
8	Armëmbajtje pa leje	Neni 278/2,4,5 i K.Penal	16	9	8	8	7
9	Shpërdorimi i detyrës	Neni 248 i K.Penal	0	7	0	1	5
10	Prodhimit dhe shitjes së narkotikëve	Neni 283/1, 2 i K.Penal	25	13	24	16	28
11	Kultivimi i bimëve narkotike	Neni 284/1, 2 i K.Penal	3	3	5	6	6
12	Shkeljes së rregullave të qarkullimit rrugor	Neni 290 i K.Penal	21	18	28	33	26
13	Futja ose mbajtjes së sendeve të ndaluara në institucionin e ekzekutimit të vendimeve me burgim	Neni 324/a/1 i K.Penal	16	19	30	14	8
14	Kanosje	Neni 84 i K.Penal	2	0	2	0	0
15	Plagosjes së lehtë me dashje	Neni neni 89 i K.Penal	26	25	23	15	13
16	Përndjekjes	Neni 121/a i K.Penal	0	1	0	1	1
17	Dhunë në familje	Neni 130/a i K.Penal	15	51	46	73	71
18	Vjedhje e energjisë elektrike	Neni 137/1,2 i K.Penal	39	27	16	11	4
20	Fshehje e të ardhurave	Neni 180 i K.Penal	3	1	6	5	1
21	Ndërtim i paligjshëm	Neni 199 i K.Penal	103	135	119	64	45
22	Drejtimit të mjetit në mënyrë të parregullt	Neni 291 i K.Penal	222	231	223	229	146
23	Mashtrimi	Neni 143 i Kodit Penal	1	5	7	3	4

ANALIZA VJETORE E GJYKATËS SË SHKALLËS SË PARË TË JURIDIKSIONIT TË PËRGJITHSHËM ELBASAN, PËR VITIN 2023

Nisur nga të dhënat e mësipërme rezulton se kriminaliteti në territorin ku ushtron veprimtarinë juridiksionale Gjykata e Shkallës së Parë të Juridiksionit të Përgjithshëm Elbasan, kryesisht karakterizohet nga veprat penale me rrezikshmëri të ulët. Veprat penale më të përhapura në vitin 2023 janë veprat penale të “Drejtimit të automjeteve në mënyrë të parregullt”(Neni 291 i K.Penal), “Ndërtim i paligjshëm”(Neni 199/a i K.Penal), “Vjedhja”(Neni 134 i K.Penal), “Vjedhja e energjisë elektrike apo e impulseve telefoni”(Neni 137 i K.Penal), “Dhuna në familje”(Neni 130/a), “Shkelja e rregullave të qarkullimit rrugor”(Neni 290 i K.Penal), veprat penale në fushën e narkotikëve si dhe “Armëmbajtje pa leje”.

Vërehet që vepra penale “Drejtimi i automjeteve në mënyrë të parregullt”, prej disa vitesh nuk ka patur ndryshime thelbesore në vlerë, por këtë vit ka një rënie të konsiderueshme prej 36%, por gjithsesi ky tregues është ende i lartë. Për rrjedhim ka nevojë për më shumë ndërgjegjësime dhe parandalim të kësaj vepre penale nga institucionet përgjegjëse. E njëjta gjë mund të thuhet edhe për sa i përket “Shkeljes së rregullave të qarkullimit rrugor”, që pas tre viteve radhazi rritje, këtë vit vërehet një rënie prej 22%.

Shqetesuese gjatë vitit 2023, vazhdon të përbëjë vepra penale e “Dhunës në familje”, duke e klasifikuar 2023, së bashku me vitin e kaluar, si vitet me treguesin më negativ për sa i përket kësaj vepre penale, në 11 vitet e fundit. Ky tregues është domethënës i problematikës dhe fenomenit të dhunës në familje. Vërehet se viktimat e dhunës në familje në një numër të konsiderueshëm rastesh kërkojnë urdhër mbrojtje dhe pajisen me urdhër mbrojtje nga gjykata.

Pas një ulje gjatë vitit 2022, këtë vit vërehet përsëri një rritje e konsiderueshme me 75% e veprës penale të “Prodhimi dhe shitja e narkotikëve”, përkatësisht 16 (2022) dhe 28 (2023), ndërsa vepra “Kultivimi i bimëve narkotike” është në të njëjtën vlerë me vitin 2022.

Edhe këtë vit, vazhdon rënia e konsiderueshme (për të gjashtin vit radhazi) e çështjeve që kanë bënë me veprën penale të “Vjedhjes së energjisë elektrike”. Ne besojmë, që ky fakt, ka të bëjë edhe me ndërgjegjësimin e popullatës.

Ndërsa rastet e veprave penale me rrezikshmëri shumë të lartë shoqërore janë të pakta dhe në to mbizotëron vepra penale e “Armëmbajtje pa leje”, me numër të qëndrueshëm çështjesh prej 3-4 vitesh.

Në tabelën 11 pasqyrohen llojet e dënimeve të dhëna nga gjykata:

Tabela.11

Dënimi	Numri i personave të dënuar në vitin 2021	Numri i personave të dënuar në vitin 2022	Numri i personave të dënuar në vitin 2023
Me gjobë	87	44	36
Burgim deri në dy vjet.	218	378	371
Burgim nga 2 deri ne 5 vjet.	31	102	64
Burgim nga 5 deri ne 10 vjet.	14	6	10
Burgim nga 10 deri ne 25 vjet.	2	4	4
Burgim nga 25 deri ne 35 vjet	0	0	1
Burgim i përjetshëm	0	0	2
Aplikimi i nenit 59	499	219	81
Aplikimi i nenit 59/a	0	6	0
Aplikimi i nenit 63	76	34	13
Totali	928	793	582

**ANALIZA VJETORE E GJYKATËS SË SHKALLËS SË PARË TË JURIDIKSIONIT TË
PËRGJITHSHËM ELBASAN, PËR VITIN 2023**

Rezulton që numri i personave të dënuar gjatë 2023 është **582** dhe krahasuar me vitin 2022, kemi **211** më pak të dënuar. Por kjo ka të bëjë edhe me numrin më të vogël të çështjeve të gjykuara gjatë 2023, për shkak të numrit shumë të vogël të gjyqtarëve, në pjesën më të madhe të vitit. Gjatë vitit 2023 rezulton të jenë dënuar 2 persona me burgim të përjetshëm dhe 1 person u dënua mbi 25 vjet. Dënimi më i aplikuar nga gjykata është dënimi me **burgim deri në 2 vjet**, i cili referuar të dhënave statistikore për figurat e veprave penale, përputhet me rrezikshmërinë e ulët të veprave penale më të përhapura. Në vitin 2023 numri i personave të dënuar me gjobë është në ulje krahasuar me dy vitet e mëparshëm. Por, këtë vit, megjithëse në vlerë absolute më të vogël se në vitet e mëparshme, bie në sy edhe aplikimi i nenit 59 dhe 63 i K.Penal, si dënime alternative, duke pezulluar dënimin me burgim dhe vënien në provë, i ndjekur nga kryerja e një pune me interes publik pa shpërblim.

Nga analiza e të dhënave të vitit 2023 rezulton se numri i çështjeve që janë shqyrtuar me gjykim të shkurtuar është i konsiderueshëm, ndërsa gjykimi i drejtpërdrejtë është aplikuar pak. Me ndryshimet me ligjin nr.35/2017 të K.Pr.Penale janë shtuar edhe lloje të tjera të gjykimeve të posaçme si Urdhëri penal dhe Marrëveshja për pranimin e fajësisë. Por, edhe numri i këtyre gjykimeve është i ulët.

b. Kërkesat penale.

Gjatë vitit 2023 janë gjykuar **2178** çështje të natyrës kërkesa penale dhe kërkesa penale-administrative, ku përfshihen kërkesat në fazën e hetimeve paraprake, si vleftësim arresti dhe caktim mase sigurimi personal, lejim përgjimi etj, kërkesa në fazën e ekzekutimit të dënimit, si ulje dënimi, lirim para kohe me kusht nga vuajtja e dënimit, aplikim të dënimeve alternative, kërkesa për marrëdhëniet juridiksionale me jashtë si kërkesa për njohje të vendimeve të gjykatave të huaja, kërkesë për ekstradim etj. Krahasuar me 2022, kemi të gjykuara rreth **700** më pak çështje të kësaj natyre.

Gjykata në vitin 2023 ka shqyrtuar **589** kërkesa Penale ne fazën e Ekzekutimit.

Janë shqyrtuar **813** masa sigurimi, ndër to **366** kërkesa të tjera, ku përfshihen edhe lejim apo vleftësim të përgjimit.

Tabela.12

Lloji i masës sigurimit	Numri i personave		
	në vitin 2021	në vitin 2022	në vitin 2023
Arrest në burg	247	236	198
Arrest në shtëpi	27	24	33
Detyrim për paraqitje	293	273	213
Arrest në burg në mungesë	0	1	0
Mjekim i detyruar	13	6	1
Rivlerësim i masave të sigurimit	0	0	0
Garancia pasurore	1	1	2
Njohja e vendimeve penale të huaja	2	1	0
Kërkesa të tjera penale	517	127	366
Totali	1100	669	813

Nga treguesit e mësipërm rezulton se masat e sigurimit më të aplikuara nga gjykata janë ato “detyrim për paraqitje në policinë gjyqësore” dhe “arrest në burg”. Në disa raste, masat e sigurimit personal të karakterit shtrëngues janë caktuar së bashku me masa të tjera shtrënguese si “Ndalim i daljes jashtë shtetit” dhe masa ndaluese si “Pezullim i ushtrimit të një detyre apo shërbimi publik”.

Nga të dhënat për vitin 2023, krahasuar me vitin parardhës, vërehet një shtim e aplikimit të masave të sigurimit personal.

c. Kërkesat penale në seancë paraprake.

Pas ndryshimeve, me ligjin nr.35/2017 në K.Pr.Penale, numri i kërkesave të seancës paraprake si kërkesa penale për dërgimin e çështjes në gjyq dhe kërkesa për pushimin e çështjes penale për krime, vazhdon të jetë relativisht i lartë, por gjithsesi më i ulët, krahasuar me dy vitet paraardhës.

Në vitin 2023 janë paraqitur gjithësej për shqyrtim **2144 kërkesa të seancës paraprake**, nga të cilat **836** janë të mbartura nga viti 2022. Ka përfunduar gjykimi për **776 kërkesa**, me tregues sipas tabelës së mëposhtme.

Tabela.13

MËNYRA E PËRFUNDIMIT					
Pushuar	Kaluar për gjykim	Kthim për plotësim hetimesh (penale)	Vendosur Moskompeten ca	Të tjera	Përfunduar
219	528	7	5	17	776

e. Çështjet civile:

Gjatë vitit 2023, janë gjykuar gjithsej **1606** çështje civile, nga të cilat **832** civile themeli.

Në lidhje me përbërjen e trupit gjykues, në vitin 2021 janë gjykuar me trup gjykues të përbërë me një gjyqtar **1604** çështje civile dhe me trup gjykues të përbërë nga tre gjyqtarë janë gjykuar vetëm **2** çështje civile. Numrit të çështjeve që gjykohen me trup gjykues me tre gjyqtarë krahasuar me vitin 2022 është vetëm 2 çështje më pak.

Nga analiza e të dhënave statistikore konstatohet një numër prej **305** çështje civile të pushuara gjatë vitit 2023. Duke u krahasuar me **410** çështje civile të pushuara në vitin 2022, duket një rënien në vlerë absolute, por jo në përqindjen që ato zënë në çështjet e gjykuara.

Më poshtë vijon tabela me përqindjet që zënë çështjet e pushuara në katër vitet e fundit:

Viti	2020	2021	2022	2023
Përqindja	36%	21%	13%	18%

**ANALIZA VJETORE E GJYKATËS SË SHKALLËS SË PARË TË JURIDIKSIONIT TË
PËRGJITHSHËM ELBASAN, PËR VITIN 2023**

Shkaku i pushimit të çështjeve civile lidhet kryesisht me mosndërgjegjësimin për plotësimin e elementëve të padisë, mosparaqitja e paditësit/kërkuesit pa shkaqe të arsyeshme dhe tërheqja nga gjykimi i padisë/kërkesës. Rastet e padisë që nuk mund të ngrihet janë të pakta.

Në zbatim edhe të vendimit të KLGJ-së Nr. 554 dt. 29.12.2022 “Për procedurat e ndarjes me short të çështjeve gjyqësore” çështjet e pushuara dhe çështjet për të cilat është vendosur “Kthim Aktesh”, kur janë riparaqitur për shqyrtim në gjykatë, i kanë kaluar automatikisht të njëjtit gjyqtar që i ka pushuar më parë.

Disa nga llojet më të përhapura të çështjeve të natyrës civile të gjykuara gjatë vitit 2023, paraqiten si vijon:

Tabela.14

Lloji i çështjes	Numri i çështjeve në vitin 2020	Numri i çështjeve në vitin 2021	Numri i çështjeve në vitin 2022	Numri i çështjeve në vitin 2023
Kthim sendi	19	25	8	10
Padi pronësie	56	36	19	15
Padi për shkaktimin e dëmit	43	40	24	10
Pjestim sendi	34	14	17	10
Kundërshtim të veprimeve përmbareme	37	15	26	20
Konflikte pune etj	45	48	20	9
Familjare	860	798	770	701
Urdhëra mbrojtje	134	177	223	208
Urdhëra të menjëhershëm të mbrojtjes	41	36	28	16



**ANALIZA VJETORE E GJYKATËS SË SHKALLËS SË PARË TË JURIDIKSIONIT TË
PËRGJITHSHËM ELBASAN, PËR VITIN 2023**

Nga analiza e të dhënave të mësipërme rezulton se edhe për vitin 2023 ngarkesa më e lartë është me çështje familjare dhe pas tyre renditen kërkesat për urdhër mbrojtje. Çështjet familjare të gjykuara gjatë 2023 janë **701**, ku mbizotërojnë paditë për zgjidhje martesë (**447** të tilla). Paditë për zgjidhje martesë të përfunduara këtë vit janë gati 17% më ulët se dy vitet e mëparshme dhe duke u krahasuar me vitet 2019 dhe 2020 kemi një ulje të ndjeshme që shkon deri 35%. Kjo lidhet jo se aktualisht është ulur numri i padive për zgjidhjen e martesës, por me mundësitë e kufizuara të stafit të gjyqtarëve për të gjykuar më shumë çështje.

Përsa i përket urdhërave të mbrojtjes, numri i përgjithshëm i tyre ka një ulje këtë vit, me 224 kërkesa, kur në 2022 kishim përkatësisht 251. Në fakt, për kërkesat për urdhër të menjëhershëm mbrojtje, rezultojnë vetë 16, pra 12 më pak se në vitin e mëparshëm dhe është një tendencë në ulje nga viti në vit.

Rënia e numrit të kërkesave lidhet me (por jo vetëm) me pasojat e urdhërit për fillimin e ndjekjes penale. Pothuajse të gjitha kërkesat për urdhër mbrojtje janë përcjellë/paraqitur nga ana e Komisariateve të Policisë në bazë të formularëve të plotësuar nga kërkuessit.

Tabela.15

Lloji i kërkesave për lëshimin e urdhërit të mbrojtjes	Numri	Pranuar	Pushuar	Refuzuar
Urdhër i zakonshëm mbrojtjeje	208	116	63	29
Urdhër i menjëhershëm mbrojtjeje	16	11	3	2
Totali	224	127	66	31

Nga analiza e të dhënave vërehet se numri i rasteve të refuzimit është më i vogël në raport me numrin e rasteve kur gjykata ka pranuar lëshimin e urdhërit të mbrojtjes.

Shkaqet e refuzimit të kërkesës për lëshimin e urdhërit të zakonshëm të mbrojtjes lidhen me faktin se nuk provohet ekzistenca dhunës ose pala paditëse nuk legjitimohet për të kërkuar lëshimin e urdhërit të mbrojtjes, për shkak se nuk cilësohet nga ligji si pjestarë familjeje, por konstatohen dhe raste të pushimit të gjykimit. Shkaqet e pushimit janë mosparaqitja e viktimës së dhunës në familje në seancë gjyqësore pa shkaqe.

Por, praktika mbizotëruese është ajo e shqyrtimit të kërkesës për urdhër mbrojtje edhe në rast të mosparaqitjes në seancë apo tërheqjes së viktimës së dhunës në familje, pasi lejohet kjo gjë me ndryshmet e ligjit “Për masat ndaj dhunës në marrëdhëniet familjare”.

Kërkesat civile (çështje civile pa palë kundërshtare), disa lloje:

Tabela.16

Lloji kërkesave civile pa palë kundërshtare	Numri i çështjeve në vitin 2020	Numri i çështjeve në vitin 2021	Numri i çështjeve në vitin 2022	Numri i çështjeve në vitin 2023
Lëshimi i urdhërit të ekzekutimit	751	2006	1862	610
Vërtetim fakti i vjetërsisë në punë	39	26	11	13
Lëshim autorizimi për të miturin	16	26	9	18

Nga analiza e të dhënave rezulton se ngarkesa më e lartë është me kërkesat për lëshimin e urdhërit të ekzekutimit, ku mbizotërojnë kërkesat për tituj ekzekutivë si faturat e energjisë elektrike, fatura të konsumit të ujit dhe kontratat e kredisë bankare. Ky numër është 3 herë më i vogël se një vit më parë, por kjo ka të bëjë, siç e kemi përmendur më lart, edhe me numrin e kufizuar të gjyqtarëve deri në muajin tetor.

Mbetet në të njëjtin nivel numri i kërkesave për vërtetimin e faktit të vjetërsisë në punë nga ana e shtetasve që kërkojnë përfitimin e të drejtës për pension, për shkak të mungesës së dokumentacionit të kohës, përkatësisht 13 të tilla.

4. NGARKESA ME ÇËSHTJE PËR GJYQTAR.

Aktualisht organika e Gjykatës së Shkallës së Parë të Juridiksionit të Përgjithshëm Elbasan nuk është e plotësuar me numrin 18 gjyqtarë. Në fillim të vitit 2023, gjykimet bëheshin nga 6 gjyqtarë, ndërkohë që gjyqtaret vazhdimisht nëpërmjet shortin u janë ndarë çështjet e gjyqtareve të dorëhequr apo të shkarkuar nga vetingu, krahas shortit ditor të çështjeve të reja të regjistruara. Vlen të theksohet se po ashtu, si vitit 2021, 2022 dhe vitit 2023 mund të konsiderohet si vitet me të vështira të funksionimit të Gjykatës së Shkallës së Parë të Juridiksionit të Përgjithshëm Elbasan, për shkak të largimit të gjyqtareve nga detyra, si pasojë e shkarkimit nga Komisioni i Pavarur i Kualifikimit, apo për shkak të dorëheqjes së tyre nga detyra. Në korrik 2023, një gjyqtar u komandua në Gjykatën e Lartë dhe në Prill 2023 një gjyqtar u shkarkua nga KPK. Në muajin Shtator 2023 një gjyqtare mori lejen e barrë-lindjes, duke bërë të reduktohej stafi magjistrat në tre gjyqtarë. Në fund të muajit tetor u emëruan në këtë gjykatë 4 gjyqtarë të transferuar nga gjykatat e tjera dhe dy javë më vonë filluan punë 3 magjistratë të rinj. Në kushtet e reja të krijuara, me vendim Nr 6, datë 31.10.2023 të Këshillit të Gjykatës, sipas kriterëve të përcaktuara, u krye një rishpërndarje e çështjeve që kishin në ngarkim 3 gjyqtarët aktualë të gjykatës dhe u rishortuar dosjet e gjyqtarit Elton Frashëri dhe gjyqtares Megi Strakosha, sipas seksioneve dhe në përputhje me rregullat e përcaktuara me Vendimn e Këshillit të Gjykatës. Në këtë mënyrë, u arrit një balancim i drejtë i ngarkesës së gjyqtareve sipas seksioneve përkatëse. Me kthimin në punë të gjyqtares Yrfet Shkreli në muajin Dhjetor 2023, u bë e mundur që viti 2023 të mbyllej me 11 gjyqtarë efektivë dhe një gjyqtare (znj.Megi Strakosha) me leje barrë-lindje, duke dhënë shpresë për normalizimin e punës në gjykate për vitet në vazhdim. Megjithatë është domosdoshmëri plotësimi i organikës së gjykatës me 18 gjyqtarë, për shkak të ngarkesës të lartë të çështjeve që ka për gjykim secili gjyqtar dhe pasi aktualisht gjykatës i mungojnë 5 gjyqtarë.


Të dhënat statistikore të vitit 2023, për çdo gjyqtari të Gjykatës së Shkallës së Parë të Juridiksionit të Përgjithshëm Elbasan sipas numrit të çështjeve të gjykuara, janë:

ANALIZA VJETORE E GJYKATËS SË SHKALLËS SË PARË TË JURIDIKSIONIT TË PËRGJITHSHËM ELBASAN, PËR VITIN 2023

Tabela.17

Nr.	Gjyqtar:	Numri i çështjeve të përfunduara viti 2023
1	MATILDA FETAU	695
2	IDUSH MALIQI	852
3	TAULANT Tafa	245
4	ELIS DINE	859
5	ELTON FRASHERI	399
6	MEGI STRAKOSHA	495
7	THOMAJDHA ROÇA	103
8	YRFET SHKRELI	57
9	ARTUR PRENGA	131
10	INA YZELLARI	69
11	OLTA CENAJ	45
12	AURORA ALIMADHI	63
13	ARDIT KUKA	193
14	GJERGJI BAÇI	95

Në vijim është paraqitja grafike e shpërndarjes së numrit të çështjeve të përfunduara gjatë vitit 2023.



Bie në sy numri i lartë i çështjeve të përfunduara nga gjyqtarët Idush Maliqi, Matilda Fetau dhe Elis Dine, por edhe gjyqtari Ardit Kuka që në vetëm 2 muaj ka përfunduar këtë numër të lartë çështjesh. Gjithsesi, të gjithë gjyqtarët, kanë kaluar normën e një gjyqtari për periudhën që kanë gjykuar në këtë gjykatë, pasi nga analiza e të dhënave evidentohet se ngarkesa e gjyqtarëve me çështje plotëson parametrat e vendosura në vendimin e KLGJ-së për kriteret matëse të vlerësimit të veprimtarisë së gjyqtarëve, dhe madje e tejkalon dukshëm atë ngarkesë, shifër e cila është 429 çështje/gjyqtar.(120-200 çështje themeli dhe 280-300 çështje administrative civile ose penale)

Bazuar në një llogaritje mesatare të ngarkesës për gjyqtar, duke pjestuar numrin total të çështjeve të regjistruara në vitin 2023 me numrin e gjyqtarëve të gjykatës (duke futur edhe koeficientin për muajt që kanë punuar gjyqtarët e larguar apo edhe gjyqtarët që filluan rishtas punë gjatë 2023), rezulton një numër mesatar prej **854** të çështjeve të reja për gjyqtar. Ky tregues nxjerr në pah ngarkesën shumë të lartë në punë për gjyqtarët në Gjykatën e Shkallës së Parë të Juridiksionit të Përgjithshëm Elbasan.

Shpërndarja e ngarkesës ndërmjet gjyqtarëve (me përjashtim të zv/kryetarit së gjykatës) në vitin 2023 është pothuaj e barabartë në numër çështjesh (duke mos u marr në konsideratë kompleksiteti i çështjeve).

Gjatë vitit 2023 janë regjistruar në total **5251** çështje të reja dhe kanë përfunduar **4301** çështje.

Raporti mbi numrin i çështjeve për çdo gjyqtar (*Case for Judge*), llogaritur duke pjestuar numrin total të çështjeve të regjistruara në vitin 2022 me numrin e gjyqtarëve të gjykatës;

$$\frac{5251 \text{ [totali i numrit të çështjeve të regjistruara]}}{6.15 \text{ [numri i anëtarëve të gjykatës në vitin 2023]}} = 854 \text{ Numri i çështjeve për gjyqtar}$$

Ndërsa numri i çështjeve të gjykuara për çdo gjyqtar rezulton si më poshtë:

$$\frac{4301 \text{ [totali i numrit të çështjeve të gjykuara]}}{6.15 \text{ [numri i anëtarëve të gjykatës në vitin 2023]}} = 699 \text{ Numri i çështjeve për gjyqtar}$$

Siç duket edhe nga përlllogaritjet e mesipërme, gjatë vitit 2023 çdo gjyqtar ka gjykuar mesatarisht **699** çështje, që gjithsesi është tregues shumë i lartë, por më i ulët se vlera e vitit 2022. Mendojmë që në këtë aspekt ka ndikuar fakti që 8 gjyqtarët që filluan detyrën në dy muajt e fundit të vitit, pavarësisht që ndikuan në rritjen e koeficientit të numrit të çështjeve për gjyqtar, koha që ata gjykuan për vitin 2023 ishte shume e shkurtër, duhet të njiheshin me dosjet që morën në ngarkim dhe të respektonin afatet për lajmërimin e palëve ndërgjyqëse.

Ngarkesa e jashtëzakonshme e gjyqtarëve deri në muajin Tetor 2024, ka ndikuar në tejkalimin afatit të arsyetimit të vendimeve gjyqësore, si dhe ka sjellë pamundësisë e gjyqtarëve për të programuar gjatë ditëve të javes, ditë të caktuar për arsyetimin e vendimeve gjyqësore, por shpresojmë që gjatë vitit 2024, mbase edhe me plotësimin e organikës me 5 magjistratë të tjerë, situata do të shkojë drejt normalizimit, duke bërë mundur rritjen e efikasitetit në gjykim në Gjykatën e Shkallës së Parë të Juridiksionit të Përgjithshëm Elbasan.

a. Delegimet e gjyqtarëve:

Gjatë vitit 2023, asnjë gjyqtar i Gjykatës së Shkallës së Parë të Juridiksionit të Përgjithshëm Elbasan nuk ka qënë i deleguar për të gjykuar çështje në gjykata të tjera.

ANALIZA VJETORE E GJYKATËS SË SHKALLËS SË PARË TË JURIDIKSIONIT TË PËRGJITHSHËM ELBASAN, PËR VITIN 2023

Ndërkohë për nevoja të Gjykatës së Shkallës së Parë të Juridiksionit të Përgjithshëm Elbasankanë qenë të deleguar për të gjykuar në këtë gjykatë, 1 gjyqtar nga Gjykatat e tjera, për 1 çështje civile.


Megjithë ndryshimet në K.Pr.Civile dhe K.Pr.Penale që kanë sjellur rënien e numrit të çështjeve që gjykohen me trup gjykues të përbërë nga tre gjyqtarë, delegimet mbeten domosdoshmëri në ato raste kur janë konsumuar të gjithë gjyqtaret e gjykatës, si pasojë e vendimarrjes së mëparshme të tyre në çështje të lidhura ose të konfliktit të interesit që mund të kenë patur gjyqtarët e gjykatës, si dhe numrit të vogël të gjyqtarëve që kishin të mbetur në gjykatë. Delegimet të gjyqtareve të tjerë për të gjykuar çështje gjyqësore të Gjykatës së Shkallës së Parë të Juridiksionit të Përgjithëm Elbasan kanë qenë minimale për vitin 2023.

5. SHPEJTËSIA NË GJYKIM SIPAS KATEGORISË SË ÇËSHTJEVE.

Tabela.18

Kategoria e Çështjeve	ÇËSHTJE TË PËRFUNDUARA GJATË VITIT 2023			
	1-6 Muaj	7-12 Muaj	1-2 Vjet	> 2 Vjet
Civile të përgjithshme	35	24	32	40
Familjare	456	146	86	13
Kërkesa pa kundërshtarë	660	99	14	1
TOTALI CIVILE	1151	269	132	54
Penale themeli (krime)	356	50	19	15
Penale themeli (kundervajtje)	45	12	14	6
Kërkesa administrative penale	2008	138	32	0
TOTALI PENALE	2409	200	65	21
TOTALI I ÇËSHTJEVE	3560	469	197	75

Raporti i shpejtësisë së gjyqimit të çështjeve në total, penale dhe civile:



Nga totali i çështjeve të gjykuara rezulton se **3560 çështje janë përfunduar së gjykuari brenda afatit 6 muaj, 469 çështje janë përfunduar së gjykuari në harkun kohor 7-12 muaj, 197 çështje janë përfunduar së gjykuari në harkun kohor 1-2 vjet dhe 75 çështje janë përfunduar së gjykuari në afatin mbi 2 vjet.** Ka një rritje të çështjeve të përfunduar së gjykuari mbi 2 vjet, krahasuar me vitin 2022, ku ishin vetëm 22 çështje të tilla. Kjo ka ardhur për shkak të organikës së cunuar të gjykatës për arsyet që kemi përmendur më sipër.

Më poshtë po paraqesim edhe raportet e shpejtësisë të gjyimit për çështjet:

Raporti i shpejtësisë së gjyimit të çështjeve penale:



Raporti i shpejtësisë së gjyimit të çështjeve civile:



Analizë mbi përmbushjen e standartave kohore ndërkombëtare

Gjykata ka përcaktuar si objektiv të brendshëm, arritjen e respektimit të afateve të gjykimit të çështjeve sipas kategorisë më cilësore “A” të CEPEJ (Time Frames “A”). Nga statistikat e mësipërme rezulton se janë përmbushur plotësisht afatet e gjykimit të çështjeve sipas kategorisë më cilësore “A” të CEPEJ (Time Frames “A”).

Konkretisht 89 % e çështjeve penale nuk kanë zgjatur më shumë se 6 muaj; 96 % e çështjeve (krahasuar me standartin 90-95%) nuk kanë zgjatur më shumë se 12 muaj, dhe vetëm rreth 3.2% e çështjeve kanë zgjatur më shumë se 12 muaj. Nëse konsiderojmë vetëm çështjet penale themeli, rreth 7.7% e tyre kanë zgjatur më shumë se 12 muaj, dhe gjithsesi jemi brenda standartit 90-95 % të çështjeve të zgjidhura brenda 12 muaj. Gjithashtu përsa i përket çështjeve penale në gjykim (të papërfunduara), 9.5 % e tyre (krahasuar me standartin 5-10%) e kanë kaluar afatin 1 vit. Në këtë aspekt, konstatohet një rritje me 4.5% krahasuar me vitin paraardhës. Është evidentuar si shkak për kohëzgjatjen e gjykimit mbi një vit, kryesisht pezullimi i gjykimit për të pandehurin në mungesë për kryerjen e kërkimeve të tjera me afat një vit dhe njoftimi i viktimës apo të pandehurit me letërporosi, por një shkak i shtuar është edhe largimi nga detyra i gjyqtarëve dhe kalimi i çështjeve të mbartura tek gjyqtarët e tjerë të mbetur në detyrë, duke rritur dukshëm ngarkesën.

Nga të dhënat statistikore të 2023 për çështjet civile rezulton se kemi një rritje evidente të çështjeve të gjykuara pas afatit 12 muaj. Nëse vitin e kaluar kishim vetëm 3.12 % e çështjeve të gjykuara që kalonin afatin 12 muaj, këtë vit kjo vlerë shkon në 11.58%. Në këto kushte, 88.42 % (krahasuar me standartin 90-95%) e çështjeve civile janë gjykuar brenda 12 muajve.

Nga krahasimi i disa prej të dhënave statistikore për vitin 2023 me standartet ndërkombëtare “Standardet Kohore të Dhomës Amerikane të Avokatisë” rezulton se:

45.1% (78.3 % në 2022) e çështjeve civile të përgjithshme (krahasuar me standartin 90%) janë gjykuar brenda 12 muajve, dhe 30.5% (5.3% në 2022) e çështjeve civile të përgjithshme të gjykuara kanë kaluar afatin 24 muaj (referuar me standartin 100% të përfunduara brenda 24 muajve). Megjithëse këto rezultate janë të ndikuara edhe nga përballimi i numrit të madh të çështjeve me një numër të kufizuar gjyqtarësh aktualë. Ka vend për përmirësimin e këtyre parametrevë në vitin aktual

Përsa i përket çështjeve familjare, vetëm **65% (76 % në 2022)** e tyre (krahasuar me standartin **98%**) janë zgjidhur brenda 6 muajve dhe **86% (96% në 2022)** (krahasuar me standartin **100%**) brenda 1 viti, që gjithsesi, mund të konsiderohet pozitiv në kushtet që ndodhet gjykata sot.

Çështjet penale për krime, **80.9% (86.4% në 2022)** janë zgjidhur brenda 6 muajve (krahasuar me standartin 98%) dhe **92.3% (95.9% në 2022)** brenda 1 viti (krahasuar me standartin 100%) dhe mund të konsiderohet një parametër i pranueshëm.

Dalja nga standartet këtë vit, i dedikohet më së shumti akumulimit të problemeve që janë krijuar nga zvogëlimi vit pas viti i numrit të gjyqtarëve efektivë në gjykatë dhe përballimi i këtij numri të madh të çështjesh nga ky grup i kufizuar gjyqtarësh. Mendojmë, që gjendja do të përmirësohet gjatë vitit 2024, por megjithëse jemi optimist, shpresojmë që vetëm në vitin 2025 do të kapen standartet e kërkuara, pasi ende gjykatës i mungojnë në organikë 5 gjyqtarë.

Në këto kushte, gjykata ka përcaktuar si objektiv të brendshëm të saj, dhënien e përparësisë në gjykim të çështjeve tejet komplekse, që kanë zgjatur më shumë se 18 muaj, me qëllim moskalimin e afatit 2 vjeçar të gjykimit, në respektim të jurisprudencës së Gjykatës Europiane të Drejtave të Njeriut.

**ANALIZA VJETORE E GJYKATËS SË SHKALLËS SË PARË TË JURIDIKSIONIT TË
PËRGJITHSHËM ELBASAN, PËR VITIN 2023**

Nga analiza e të dhënave për çështjet civile të gjykuara e të zgjatura mbi 2 vjet rezulton se numri është rritur në 153 (apo 6% të tyre), nga vetëm 14 të tilla në 2022. Shkaqet e tejkalimit të afatit 2-vjeçar janë kryesisht shkaqe ligjore që përjashtojnë përgjegjësinë për tejkalimin e afatit si:

- njoftimi i njëjës prej palëve për gjykimin me letërporosi dhe kohëzgjatja për ekzekutimin e letërporosisë;
- pezullimi i gjykimit deri në zgjidhjen e një çështje tjetër gjyqësore, apo rastet e tjera të pezullimit të parashikuara në ligj;
- në gjykimet e pjestimit të pasurisë së paluajtshme mosvazhdimi i gjykimit në fazën e dytë të pjestimit deri në marrjen formë të prerë të vendimit të gjykatës për fazën e parë të pjestimit;
- shkaqe objektive për zëvendësimin e gjyqtarëve të çështjes si heqje dorë etj., dhe për rrjedhim rifillimi i gjykimit, njëkohësisht me njoftimet me shpallje për palët, si dhe ekspertime.

Por ndikim në këtë rezultat ka patur, siç e kemi theksuar më lart, edhe kalimi i çështjes në gjyqtarë të ndryshëm, pas shkarkimeve nga KPK apo pezullimeve nga KLGJ.

Nga të dhënat statistikore e njëjta gjë mund të thuhet edhe për çështje penale. Rezulton se për 48 (nga 8 në 2022) është tejkaluar afati 2 vjet i gjykimit.

Koha e nevojshme për përfundimin/likuidimin e çështjeve (*case disposition time*) është treguesi që krahason numrin total të çështjeve të pazgjidhura, në fund të periudhës së caktuar, me numrin e çështjeve të zgjidhura, brenda të njëjtës periudhë kohore, raport ky i konvertuar në numër ditësh. Treguesi mat se sa shpejt sistemi gjyqësor i gjykatës punon mbi çështjet e marra që nënkupton kohën që duhet për përfundimin e një lloji çështjesh të caktuara në gjykatë, në dritën e ritmit të punës në atë gjykatë.

Koha e nevojshme për përfundimin/likuidimin e çështjeve (*case disposition time*) për çështjet e natyrës penale është 258.54 ditë.

$$DT_{\text{Penale } 2023} = \frac{\text{Numri i çështjeve në pritje për gjykim në 31.12.2023}}{\text{Numri i çështjeve të zgjidhura në 2023}} \times 365 = \frac{1909}{2695} \times 365 = 258.54$$

Koha e nevojshme për përfundimin/likuidimin e çështjeve (*case disposition time*) për çështjet e natyrës civile është 550.90 ditë.

$$DT_{\text{Civile } 2023} = \frac{\text{Numri i çështjeve në pritje për gjykim në 31.12.2023}}{\text{Numri i çështjeve të zgjidhura në 2023}} \times 365 = \frac{2424}{1606} \times 365 = 550.90$$

Koha e nevojshme për përfundimin/likuidimin e çështjeve (*case disposition time*) për të gjitha çështjet në total është 367.71 ditë.

$$DT_{2023} = \frac{\text{Numri i çështjeve në pritje për gjykim në 31.12.2023}}{\text{Numri i çështjeve të zgjidhura në 2023}} \times 365 = \frac{4333}{4301} \times 365 = 367.71$$

**ANALIZA VJETORE E GJYKATËS SË SHKALLËS SË PARË TË JURIDIKSIONIT TË
PËRGJITHSHËM ELBASAN, PËR VITIN 2023**

Për të krahasuar të dhënat dhe për të kuptuar më mirë ecurinë, po bëjmë tabelën dhe grafikun e tendencës 5 vites:

Tabela.19

Koha e nevojshme për përfundimin/likuidimin çështjeve penale				
Vitit 2019	Viti 2020	Viti 2021	Viti 2022	Viti 2023
86.27	102.01	130.69	168.41	258.54





Tabela.20

Koha e nevojshme për përfundimin/likuidimin çështjeve civile				
Vitit 2019	Viti 2020	Viti 2021	Viti 2022	Viti 2023
142.29	151.4	152.62	210.54	550.90



Të dhënat e mësipërme tregojnë mesatarizimin e kohëzgjatjes në ditë të gjykimeve për kategoritë e çështjeve penale dhe civile. Nga krahasimi me vitet paraardhës, konstatohet një rritje e vazhdueshme e kohëzgjatjen mesatare të gjykimit të çështjeve. Duke u krahasuar me


**ANALIZA VJETORE E GJYKATËS SË SHKALLËS SË PARË TË JURIDIKSIONIT TË
PËRGJITHSHËM ELBASAN, PËR VITIN 2023**

vitin e kaluar, rezulton që për çështjet e natyrës **penale** për vitin 2023, kemi një rritje të konsiderueshme prej 53%.

Për çështjet e natyrës **civile**, kohëzgjatja mesatare e gjykimit të çështjeve për 2023 paraqitet në shifra më të larta.

Tabela.21

Koha e nevojshme për përfundimin/likuidimin çështjeve në total				
Vitit 2019	Viti 2020	Viti 2021	Viti 2022	Viti 2023
113.51	119.56	142.07	187.94	367.71



Edhe për totalin e çështjeve, në krahasim me vitet paraardhës, rezulton se koha e nevojshme për likuidimin e të gjitha çështjeve, gjatë vitit 2023, është rritur ndjeshëm.

- Të dhënat e sistemit PAKS+ për kohëzgjatjen e gjykrimeve në ditë dhe në numër seancash për vitin 2022:

Tabela.22

Tipet e çështjeve të gjykuara Viti 2023	Mesatarja nr. seancave nga depozitimi në vendim	Mesatarja në ditë nga depozitimi në vendim
Çështje Civile themeli	2.6	282.5
Çështje Penale themeli	2.6	123.7

Sipas të dhënave të sistemit, mesatarja e numrit të seancave prej **2.5** për çështje civile themeli është relativisht pozitive, pasi pavarësisht se ka një rritje të lehtë krahasuar me vitin 2022, tregon për një qëndrueshmëri në këtë drejtim prej 3 vitesh. Duhet theksuar që ky parametër për vitet 2018, 2019 dhe 2020 ka qënë në nivelin e vlerave **2.9** apo **3.0**. Kjo tregon

që edhe gjatë vitit 2023, çështjet marrin zgjidhje me një numër prej rreth 18% më pak seancash të zhvilluara krahasuar me vitin 2020.

Për sa i përket mesatares së numrit të ditëve për çështje prej **282.5**, është një vlerë më e lartë se e vitit të kaluar **199.6**, por e pritshme duke patur parasysh ngarkesën e çdo gjyqtari. Duke filluar nga viti 2018 e deri në vitin 2023, kurba e mesatares së ditëve për zgjidhjen e çështjeve civile të themelit, është gjithmonë në rritje, Duke parë që numri i seancave për një çështje është në vlerën **2.5**, por numri i ditëve për zgjidhjen e çështjes është rritur në **282.5**, konstatohet që edhe koha nga seanca në seancë është rritur në mënyrë të konsiderueshme, gjë që ishte e pritshme për shkak të zvogëlimit të numrit të gjyqtarëve nga viti në vit dhe pamundësisë objektive për caktimin e afërt të seancave gjyqësore.

Mesatarja e numrit të seancave për çështje penale themeli është **2.6**, pra një vlerë pak më e lartë se vlera e këtij treguesi për vitin e kaluar. Mesatarja e numrit të ditëve për çështje, për vitin 2023 është **123.7**, pra ka rritje krahasuar me vlerën **110.3** të vitit 2022 dhe **84,1** të vitit 2021. Duhet theksuar se edhe trendi i këtij treguesi është gjithmonë në rritje. Sigurisht, në këtë aspekt, ka ndikuar edhe ngarkesa shumë e lartë e gjyqtarëve, duke e bërë të vështirë gjetjen e datave të lira. Nga ana tjetër, fakti që çështjet zgjidhen me pak seanca, tregon efikasitetin e gjyqësorëve penale këtë vit.


Ndërkohë rezulton se edhe distanca mesatare kohore midis seancave, për të gjitha çështjet, duke përfshirë edhe çështjet e tjera, civile dhe penale (kerkesa, adm, seanca paraprake, etj), ka një tendencë rritje. Gjatë vitit 2023 ky tregues është 62.9 ditë. Kjo vlerë është e dyta më e lartë në 8 vitet e fundit. Maksimumin ky tregues e ka arritur me vlerën 64 ditë, gjatë vitit 2020, që ishte viti i pandemisë dhe për një periudhë kohe u zhvilluan vetëm seancat e çështjeve urgjente.

Një pengesë të konsiderueshme në shpejtësinë e gjyqësorit edhe në vitin 2023 përbën sistemi i shërbimit postar të njoftimeve, mungesa e një sistemi të saktë adresash, mungesa e njohurive procedurale të punonjësve të postës që kryejnë njoftimet për llogari të Gjykatës. Faktorët e jashtëm që kanë ndikuar në shpejtësinë në gjykim janë mosparaqitja e palëve në gjykim, paraqitja e kërkesave për shtyrje të seancës, nisur nga pjesëmarrja në gjykim tjetër etj. Në disa raste palët ndërgjyqësore hasin vështirësi për të siguruar dhe paraqitur provat e caktuara të cilat ndodhen pranë institucioneve shtetërore, dhe në disa raste vetë këto institucione përmbushin me vonesë urdhërat e gjykatës. Ndër faktorët e tjerë të brendshëm që kanë ndikuar në shpejtësinë e gjyqësorit mbeten, sikurse në vitin e kaluar, ngarkesa shumë e lartë në punë për secilin gjyqtar, referuar numrit mesatar të çështjeve për gjyqtar dhe organikës së gjykatës. Këto problematika kanë sjellë si domosdoshmëri një rol më aktiv të gjyqtarit për administrimin e procesit gjyqësor. Shkaqet e shtyrjes së seancave dhe zhvillimit të seancave joproductive janë diskutuar rregullisht në të gjitha mbledhjet periodike me gjyqtarët me qëllim dhe duke sjellur në vijim marrjen e masave për reduktimin e tyre.

Ne si staf, jemi besimplotë, që me shtimin e numrit të magistratëve, edhe këto tregues do të njohin një përmirësim të dukshëm gjatë vitit 2024.

Kërkesat për heqje dore:

Pranim	Mospranim	Totali
58	11	69



Shkaqet kryesore të heqjes dorë nga gjykimi i çështjeve edhe në vitin 2023 lidhen me pjesëmarrjen e gjyqtarëve në procese të tjera gjyqësore të lidhura apo vendimarrje të mëparshme ku janë shprehur me vendim nga të cilat çënohet paanësia, kjo edhe për shkak të parashikimit në ligj të mosshqyrtimit të një çështje nga gjyqtari që më parë ka gjykuar një çështje tjetër të caktuar. Pjesa tjetër e rasteve të heqjes dorë nga gjykimi lidhet me vlerësimin e ekzistencës së arsyeve të tjera serioze të njëanshmërisë.

7. PËRJASHTIMET E GJYQTARËVE NGA GJYKIMI I ÇËSHTJEVE.
(Me kërkesë të palëve)

Gjatë vitit 2023 janë pranuar 11 kërkesa për përjashtim gjyqtari nga gjykimi i çështjeve. Nga analiza e rasteve të shqyrtimit të kërkesave për përjashtimin e gjyqtarëve, vërehet se, shkak kryesor i pranimin të kërkesës për përjashtim është garantimi edhe në dukje i paanshmërisë së gjyqtarit. Shkak i pushimit të kërkesave për përjashtim gjyqtari është shqyrtimi dhe pranimi i kërkesës së gjyqtarit për heqje dorë nga gjykimi. Ndërsa shkaqet kryesore të rrëzimit të kërkesës për përjashtim janë: paraqitja nga pala kërkuese si shkak përjashtimi vendimarrja e ndërmjetme e gjyqtarit, mosparaqitja e arsyeve të njëanshmërisë nga ato të parashikuara në ligj, dhe mosdepozitimi i akteve për të provuar ekzistencën e arsyeve të njëanshmërisë.

Krahasuar me të dhënat e viteve të mëparshme rezulton se ka një ulje të konsiderueshme të numrit të kërkesave për përjashtim gjyqtari.

III. MENAXHIMI I LËVIZJES TË ÇËSHTJEVE GJYQËSORE

1. Mbikqyrja e progresit të çështjeve.

➤ Në vazhdimësi gjatë vitit 2023 ka patur bashkëpunim dhe mbështetje nga drejtuesi i Prokurorisë, Dhoma Vendore e Avokatisë, për implementimin e masave që lidheshin me reduktimin e kërkesave për shtyrje, konkretizimin dhe bazueshmërinë e tyre në prova, si dhe një planifikim më të mirë të gjykimit, kryerja e veprimeve procedurale brenda një afati të caktuar etj.

➤ Edhe me institucionet vendore si Komisariatet e Policisë Elbasan, Peqin. Gramsh, Librazhd dhe Cërrik, IEVP Elbasan, IEVP Peqin dhe IEVP Kosovë-Lushnje, Zyra Postare Elbasan, ka vazhduar bashkëpunimi për masat e ndërmarra në kuadër të planit të veprimit siç janë: paraqitja e dokumentave të kërkuara përpara seancës, komunikimi i shpejtë me gjykatën edhe në rrugë elektronike, përmirësimi i mënyrës së kryerjes së njoftimeve, aplikimi i mënyrave alternative të njoftimit dhe komunikimit si p.sh me faks dhe rrugë elektronike.

➤ Gjykata ka aplikuar komunikimin elektronik me e-mail edhe me avokatët apo palë si dhe pjesëmarrës në proces si ekspertët, psikologët etj. si dhe ka përmirësuar përmbajtjen e njoftimeve me qëllim njoftimin në të njëjtën kohë të palëve edhe me të drejtat dhe detyrimet e tyre, si për t'u mbrojtur me avokat para se të fillojë procesi gjyqësor, për të paraqitur prova etj. Po ashtu është kërkuar bashkëpunimi i të gjitha institucioneve vendore për komunikimin në rrugë zyrtare elektronike në një afat sa më të shpejtë nëpërmjet adresës elektronike zyrtare dhe bashkëpunimi me njësitë vendore dhe Bashkitë lidhur me përmirësimin dhe konfirmimin në kohë të njoftimit me shpallje.

➤ Nga ana e gjykatës janë organizuar një sërë takimesh si me përfaqësues të Prokurorisë së Shkallës së Parë të Juridiksionit të Përgjithshëm Elbasan, Dhomës Vendore të Avokatisë Elbasan, IEVP-të në juridiksionin e Gjykatës së Shkallës së Parë të Juridiksionit të Përgjithshëm Elbasan etj.. Gjithashtu janë zhvilluar takime me punonjës të Zyrës Postare Elbasan, me qëllim përmirësimin e cilësisë së shërbimit postar gjyqësor dhe zgjidhjes së problematikave të shtyrjes së seancave për arsye të moskthimit në kohë të përgjigjeve, apo parregullsive në njoftime.

2. Sistemi Elektronik i Menaxhimit të Çështjeve Gjyqësore (ICMIS).

Në Gjykatën e Shkallës së Parë të Juridiksionit të Përgjithshëm Elbasan që prej vitit 2007 aplikohet sistemi elektronik i menaxhimit të çështjeve ICMIS.

Edhe gjatë vitit 2023, në bazë të një kontrate që KLGJ ka lidhur me operatorin Kreatx është bërë e mundur suporti për problemet që janë paraqitur. Shërbimi nga ana e kompanisë Kreatx ka qenë korrekt dhe janë përgjigjur në kohë, për çdo kërkesë të bërë nga ana jonë si Gjykatë.

Po kështu, ka funksionuar normalisht edhe replikimi i të dhënave nga serveri i gjykatës në portalin e gjykatave, për një transparence më të madhe ndaj publikut.

Në sistemin elektronik ka funksionuar rregullisht programi PAKS+ me qëllim planifikimin dhe raportimin e seancave gjyqësore sipas sallave të lira. Kushtet në gjykatë lejonë një punë normale në planifikimin e sallave të gjyqit, duke rritur ndjeshëm efikasitetin e punës dhe të kohës.

V. MENAXHIMI ADMINISTRATIV I GJYKATËS:

Administrimi gjyqësor, i parë në frymën e ligjit 98/2016, kalon nëpër 3 hallka kryesore:

Burimet Njerëzore

Burimet Materiale

Burimet Financiare

Le të analizojmë më gjërë këto hallka dhe jo vetëm

1. Organika dhe burimet njerëzore.

Viti 2023 filloi me një organikë të gjykatës prej 14 gjyqtarë dhe 34 punonjës të administratës gjyqësore, nga të cilët 1 kancelar, 1 kryesekretare, 2 sekretare regjistruese, 13 sekretare gjyqësore, 1 specialist IT, 2 arkiviste, 1 K/D/Buxhetit, 1 specialisti Marrëdhënive me Publikun dhe Median, 1 magazinierë-arkëtare, 1 punonjës sigurie, 6 nëpunës gjyqësor, 2 sanitare, 1 shofer dhe 1 mirëmbajtës. Në fillim të vitit 2023 u shtua edhe 1 sanitare, me kohë të pjesshme. Kontrata e sanitares është ndërprerë në fund të muajit Dhjetor 2023 dhe është ripërtërirë përgjatë vitit 2024 në vijim. Në përgjithësi, numri i punonjësve me status nëpunësi civil gjyqësor dhe me kontratë pune, i është përgjigjur nevojave të gjykatës, duke sjellë një zhdërvjellësi më të madhe në administrim dhe respektim të afateve dhe procedurave ligjore. Konkretisht, sekretaret gjyqësore (seance) për 10 muajt e parë të vitit 2023, kanë qenë të dubluara për çdo gjyqtar, kjo dhe si pasojë e numrit të vogël të gjyqtarëve, duke qenë me eficientë në kryerjen e detyrave procedurale. Pikërisht kjo është dhe një nga arsytet që kemi një numër të lartë çështjesh të përfunduara në vit/gjyqtar, gati 700 të tilla. Në muajin Maj, me kategorizimin e ri të gjykatave, organika e gjyqtarëve në gjykatën tonë shkoi në 18 magjistratë. Në këto kushte, lind nevoja edhe i rritjes së numrit të punonjësve të administratës, duke plotësuar në këtë mënyrë edhe organikën e sektorëve ashtu siç është vepruar edhe më gjykatat e tjera të së njëjtës kategori.

Vlen të përmendet, niveli i lartë i profesionalizmit i administratës që vjen si pasojë e përgjegjshmërisë dhe përvojës së gjatë në detyrë. Vlerësimi periodik 2 vjeçar i punës së tyre, i konfirmuar nga Këshilli i Gjykatës, në fund të vitit 2022, me vlerësime “mirë” dhe “shumë mire”, e provon më së miri këtë performancë profesionale.

Në Zyrën e Kryesekretarisë është zhvilluar një volum i lartë pune në administrimin e lëvizjes së çështjeve gjyqësore, si fizikisht dhe elektronikisht. Marrja e masave shtesë, me 2 sek.regjistruese dhe 1 n/punëse gjyqësore në funksion të kësaj zyre, në drejtimin profesional të kryesekretares, ka mundësuar, përveç të tjerave dhe një shërbim gjyqësor eficient dhe të shpejtë si ndaj trupës gjyqësore, ashtu dhe përdoruesve të gjykatës. Me shtimin e specialistit të ZMP, fluksi i këtyre përdoruesve është diversifikuar dhe ka rezultuar një shpërndarje më e mirë e detyrave specifike.

Po kështu ftuesit gjyqësore, aktualisht 3 të tillë, kanë mbuluar një punë më të madhe dhe kohë më të shpejtë në komunikim. Mbetet sfida në të ardhmen, ulja e shpenzimeve të njoftimeve me shërbimin postar, e cila do të shërbente në krahun tjetër në rritjen e tepicës së të ardhurave të gjykatës, të cilat janë të domosdoshme për plotësimin e nevojave tona. Fryma që duhet të përforcohet në gjithë administratën gjyqësore duhet të jetë ajo e të parit të Gjykatës si njësi ekonomiko-financiare autonome, autosuficiente dhe e përgjegjshme.

2. Këshilli i Gjykatës dhe Titullari.

Gjatë vitit 2023, Këshilli i Gjykatës ka funksionuar normalisht dhe në mbledhjet e këtij këshilli janë marrë **9** vendime në funksion të mbarvajtjes të punëve në gjykatë.

Po kështu, Zv/kryetari i gjykatës, ka marrë **10** vendime në cilësinë e titullarit, si dhe ka nxjerrë **46** urdhëra administrativë.

Gjatë vitit 2023, janë përgatitur dhe dërguar institucioneve të tjera **395** shkresa të natyrave të ndryshme.

Vendime Këshilli Gjykatës	9
Vendime të Zv/Kryetarit në cilësinë e titullarit	10
Urdhëra Administrativë nga Titullari	46
Shkresa dërguar institucioneve të tjera	395

3. Burimet materiale

Gjykata e Shkallës së Parë të Juridiksionit të Përgjithshëm Elbasan e ushtron veprimtarinë e saj në një godinë 4 kate +1 kat të nëndheshëm, ndërtuar në vitin 2017, dhe kërkon detyrimisht një menanaxhim sa më mirë në mirëmbajtje. Të paturit e këtyre aktiveve qendrore të trupëzuara, në kuptimin financiar, sjell dhe një normë amortizimi të madhe në raport me shpenzimet. Me konkretisht, sistemi i kondicionimit, sistemet elektike, hidraulike dhe të sigurisë së mbrojtjes ndaj zjarrit, kërkojnë fonde monetare më të medha, në dispozicion në krahasim me gjykatat e tjera homole të shkallëve të para. Konstatohen gjithmonë pamundësi financiare, nga ana e Zyrë të Buxhetit për plotësimin e nevojave në tërësi. Gjykata e Shkallës së Parë të Juridiksionit të Përgjithshëm Elbasan ka 10 salla gjykimi dhe një nga këto salla përdoret edhe për gjykimet online. E gjithë kjo infrastrukture nuk mund të jetë efikase pa mirëmbajtje periodike dhe investime të reja pjesore.

Në lidhje me pajisjet e zyrave dhe të sallave, gjendja paraqitet shumë e mirë në standartin e përgjithshëm. Edhe për sa i përket pajisjeve elektronike, këtë vit kemi patur furnizime të reja nga KLGJ të 7 PC për stafin dhe 10 PC për sallat e gjyqit, duke përmirësuar ndjeshëm situatën. Specialisti i IT, mban të përditesuara jo vetem sistemet, po dhe liston e kontrollon bazën materiale elektronike, si pc, printer, scanner, fotokopje etj. të cilat kanë nevojë për asistencë teknike të vazhdueshme.

Duhet theksuar si element i rëndësishëm i menaxhimit gjyqësor teknologjia e informacionit.

4. Teknologjia e informacionit.

Të gjithë gjyqtarët dhe administrata kanë në dispozicion pajisje të teknologjisë së informacionit që plotësojnë nevojat e punës në gjykatë. Në mënyrë periodike është bërë rifreskimi i këtyre pajisjeve. Të gjithë zyrat e gjyqtarëve, janë të pajisur përveç PC dhe printerave, edhe me skaner. Pajisja me këtë device ndihmon në punën e përditshme të gjyqtarëve, pasi kursen kohë dhe bën më të lehtë dërgimin elektronik të dokumentave zyrtarë në institucione të tjera, sidomos në IEVP-të, që janë në juridiksionin e Gjykatës sonë. Gjatë

vitit 2023, siç e përmendëm më lart, gjykata u pajis me 7 kompjutera të rinj për gjyqtarët dhe 10 kompjutera të tjerë për sallat e gjyqeve, si dhe me 4 printera.

Në muajt korrik dhe shtator të vitit 2023, falë insistimit të gjyqtare Matilda Fetau, janë zhvilluar me sukses të plotë dy seanca video-konferenca me gjykatën e Napolit në Itali. Kjo gjë, u arrit edhe nëpërmjet punës të sektorit të IT, duke plotësuar të gjitha kriteret e sigurisë, në koordinim me partnerët italianë.

Gjatë vitit 2023, në sallën 7 të gjykatës, janë zhvilluar rreth 40 seanca online, pothuajse të gjitha të natyrës familjare. Ky numër është shumë më ulët krahasuar me vitet e mëparshëm. Gjithsesi, për këtë qëllim, vazhdon të qëndrojë i instaluar në këtë sallë një pc shtesë dhe 3 webcamera.

Shorti elektronik: Sistemi elektronik i menaxhimit të çështjeve ICMIS mundëson përveç të tjerash ndarjen e çështjeve ndërmjet gjyqtarëve, me short elektronik. Kërkesat e vendimit të Këshillit të Lartë të Drejtësisë “Për procedurat e ndarjes së çështjeve me short” janë respektuar në mënyrë rigoroze në lidhje me ndarjen e çështjeve me short si dhe është rritur transparenca e këtij procesi, duke u publikuar paraprakisht koha e realizimit të shortit, duke u garantuar pjesëmarrja e publikut si dhe nëpërmjet publikimit të listës së shortit. Shorti i ditës, publikohet në faqen web të gjykatës.

Nga të dhënat statistikore rezulton se çështjet janë shpërndarë në mënyrë përafërsisht të barabartë për të gjithë gjyqtarët. Diferencat justifikohen duke patur parasysh numrin e çështjeve të regjistruara gjatë gadishmërisë së secilit gjyqtar, që mund të ketë qenë jo i barabartë.

Për masat e sigurimit dhe kërkesat gjatë hetimeve paraprake, nga Kryetari e Gjykatës në zbatim të kompetencave ligjore është bërë sistematikisht planifikimi i gadishmërisë të gjyqtarëve sipas grafikut për shqyrtimin e çështjeve të natyrës urgjente, si rregull për një kohë një javore sipas rendit alfabetik duke marrë për bazë mbiemrin e gjyqtarit.

a. Sistemi i regjistrimit audio të seancave gjyqësore

Në sajë të sistemit të regjistrimit audio të seancave (RDA), seancat gjyqësore janë zhvilluar në çdo rast në 1 sallat e gjyqit që ka gjykata dhe janë regjistruar audio. Në asnjë rast nuk është zhvilluar seancë gjyqësore në zyrat e gjyqtarëve. Regjistrimi audio i seancave gjyqësore për vitin 2023 është **91.3%** e seancave të zhvilluara, çka pasqyron qëndrueshmërinë e përdorimit të teknologjisë audio nga ana e gjykatës.

Përjashtim nga ky rregull përbejnë rastet e seancave për shqyrtimin e kërkesave penale me karakter sekret, apo shqyrtimit të çështjeve në dhomë këshillimi, në të cilat nga gjykata nuk aplikohet përdorimi i sistemi RDA.

Raport për përdorimin e sistemit të regjistrimit audio nga çdo gjyqtar në vitin 2023:

**ANALIZA VJETORE E GJYKATËS SË SHKALLËS SË PARË TË JURIDIKSIONIT TË
PËRGJITHSHËM ELBASAN, PËR VITIN 2023**

Tabela.24

Nr.	Gjyqtari	Seanca të regjistruara audio (SA)	Seanca të paregjistruara (SP)	Gjithsej (TOT)	Në % (SA/TOT*100)
1.	MATILDA FETAU	1378	272	1650	83.5%
2.	TAULANT TAFA	485	81	566	85,7%
3.	IDUSH MALIQI	2175	211	2328	93,4%
4.	ELIS DINE	2192	211	2403	91,2%
5.	ELTON FRASHERI	990	30	1020	97,1%
6.	MEGI STRAKOSHA	1135	62	1197	94,8%
7.	ARDIT KUKA	359	38	397	90.4%
8.	ARTUR PRENGA	479	27	506	94.7%
9.	AURORA ALIMADHI	127	25	152	83.6%
10.	INA YZELLARI	126	30	156	80.8%
11.	OLTA CENAJ	101	25	126	80.2%
12.	THOMAIDHA ROCA	324	6	330	98.2%
13.	YRFET SHKRELI	273	4	277	98.6%
	Totali	10144	1022	11108	91,3%

Në vitin 2023, të gjithë palët pjesmarrëse në një seancë gjyqësore, janë pajisur me CD e regjistrimeve audio, sa herë që kanë bërë kërkesë për të patur një të tillë. Në faqen web të gjykatës është vendosur edhe suporti i duhur për përdoruesit e programit FTR, për të dëgjuar regjistrimet audio.

Zbatimi i këtij sistemi ka rritur ndjeshëm transparencën e gjykimit dhe ka ndikuar ndjeshëm në respektimin e rregullave të etikës dhe solemnitetit në gjykim.

Përdoruesit apo punonjësit janë udhëzuar për përdorimin e sistemit audio dhe kanë realizuar me sukses edhe transkriptimet e procesverbaleve të seancave edhe në rastet kur ai është kërkuar fjalë për fjalë, si dhe është zbatuar udhëzimi për procedurat e dhënies së kopjeve të regjistrimeve audio për përdorim nga publiku. Zbatimi i këtij sistemi ka treguar se ka rritur ndjeshëm transparencën e gjykimit dhe ka ndikuar ndjeshëm në respektimin e rregullave të etikës dhe solemnitetit në gjykim si për gjyqtarët dhe për palët e avokatët.

b. Programi i transparencës

Në përputhje me nenin 7 të ligjit nr.119/2014 “Për të Drejtën e Informimit” është përgatitur, programi i transparencës për Gjykatën e Shkallës së Parë të Juridiksionit të Përgjithshëm Elbasan. Nëpërmjet këtij programi përcaktohet korniza ligjore e veprimtarisë së autoritetit në kuadër të ligjit nr.119/2014 “Për të Drejtën e Informimit”. Ky program vlerësohet si një mënyrë konkrete përmes së cilës Gjykata e Shkallës së Parë të Juridiksionit të Përgjithshëm Elbasan ndërton dhe rrit transparencën në punën e saj institucionale. Informacioni i bërë publik në këtë program, synon të bëjë transparencën e veprimtarisë së

punës së Gjykatës së Shkallës së Parë të Juridiksionit të Përgjithshëm Elbasan, nëpërmjet pasqyrit të tij në faqen zyrtare të gjykatës Elbasan, pranë portalit www.gjykata.gov.al. Gjykata e Shkallës së Parë të Juridiksionit të Përgjithshëm Elbasan ka marrë të gjitha masat për respektimin maksimal të të gjitha detyrimeve të rrjedhura nga ky ligj, duke publikuar në faqen e saj elektronike zyrtare informacionin dhe dokumentacionin e disponuar prej saj, të parashikuar nga ligji, për publikim kryesisht nga autoriteti publik.

Në raport me median gjykata ka treguar bashkëpunim të vazhdueshëm, i cili rezulton se ka qënë në nivelin e duhur, duke komunikuar sipas rastit në lidhje me informacione apo seanca gjyqësore për të cilat publiku ka patur interes. Në këto raste media apo gazetarët personalisht janë informuar me anë të njoftimeve elektronike, si dhe në raste të tjera të veçanta më kërkese të tyre është mundësuar prezenca në seancat gjyqësore publike duke mbajtur shënime apo dhe pamje filmike.

Rezultoni se është kryer një punë e mirë për informimin dhe sensibilizimin e avokatëve, palëve ndërgjyqëse dhe qytetarëve për marrjen e informacionit mbi shortin dhe planifikimet e seancave gjyqësore nëpërmjet faqes elektronike zyrtare të gjykatës në internet.

Në faqen zyrtare të gjykatës janë publikuar edhe video informuese për plotësimin e Formularit Elektronik të Aplikimit, orientimit në gjykatë, si të merret informacion mbi shortin dhe për kalendarin e seancave.

5. Ofrimi i shërbimeve nga administrata gjyqësore.

Kryesekretaria dhe sekretaria gjyqësore janë funksionet që kanë qënë më shumë të ngarkuar. Vlen të theksohet ngarkesa shumë e lartë me çështje për secilin gjyqtar (mesatarisht **699** çështje të shqyrtuara për secilin) e numri total i seancave **11108** në vit dhe për rrjedhim ngarkesa e lartë në punë e secilës sekretare gjyqësore.

Rëndësi të veçantë i është kushtuar ofrimit të një shërbimi sa më të shpejtë dhe korrekt ndaj publikut.

Gjatë vitit 2023 numri i kërkesave për marrje të kopje të dokumentave arkivore apo informacioni arkivor të refuzuara, ka qënë jo shumë i madh.

Gjatë 2023 ka patur një numër të konsiderueshëm kërkesash për shërbim nga arkiva.

Problematikë vijon të mbetet mungesa e hapësirave të nevojshme për sistemimin dhe inventarizimin e dosjeve arkivore në ambientet e arkivës. Për këtë qëllim, janë përdorur edhe ambiente të tjera në gjykatë. Gjatë vitit 2024, me shtimin në organikë edhe të një specialisti arkive me kontratë deri në fund të vitit, kemi planifikuar të fillojë asgjësimi i rreth 2000 dosjeve me afat ruajtje të përkohshëm dhe transferimi i rreth 6000 dosjeve me afat ruajtje të përhershëm pranë Arkivit Shtetëror të Sistemit Gjyqësor Lundër, Tiranë.

6. Aksesi, transparenca, marrëdhëniet me publikun dhe median.

➤ Në vitin 2023 janë përdorur Broshurat informuese dhe Letrat e të drejtave, që përcaktojnë të drejtat dhe detyrat e palëve ndërgjyqëse, viktimave, për zhvillimin e procesit gjyqësor. Këto akte janë publikuar në faqen zyrtare në internet të gjykatës dhe në stendën e njoftimeve të gjykatës. Sekretaria gjyqësore bashkëngjitur fletëthirrjes apo dëftesës së komunikimit, i dërgon të pandehurit, viktimës si dhe të paditurit në procesin civil “Letrën e të drejtave dhe detyrave në proces”.

➤ Me qëllim rritjen e aksesit në drejtësi, është rritur numri i formularëve standart për kërkesa të ndryshme drejtuar gjykatës, Model Deklaratë Mbrojtje në procesin civil dhe akte të

tjera të cilat ndihmojnë në veçanti palët e vetpërfaqësuar. Gjithashtu është arritur asistenca e personave me aftësi të kufizuar, përcaktimi i një ambienti të posaçëm për qëndrimin, publikimi i të drejtave dhe garancive. Gjykata ka siguruar akses fizik nëpërmjet rampave të personave me aftësi të kufizuar në lëvizje, në sallat e gjyqit. Edhe për vitin 2023, ky akses fizik garantohet për të 10 sallat dhe hyrjes në gjykatë. Gjithashtu gjykata ka pajisur mjediset e aksesit publik. K/Sekretaria dhe salla gjykimi me tregues për personat me shikim të kufizuar. Sfidë për të ardhmen mbetet sigurimi i asistencës së specializuar si interprete etj., nga organizata joqeveritare për personat me aftësi të kufizuar që marrin pjesë në procese apo marrin shërbim në gjykatë;

Edhe këtë vit u bë i mundur funksionimi i videokonferencës për zhvillimin e seancave pa praninë fizike të personave, duke përfshirë edhe personat me aftësi të kufizuar si dhe konsultimi online i dosjeve gjyqësore.

➤ Në përputhje me nenin 7 të ligjit nr.119/2014 “Për të Drejtën e Informimit” është përditësuar programi i transparencës për Gjykatën e Shkallës së Parë të Juridiksionit të Përgjithshëm Elbasan. Informacioni i bërë publik në këtë program, synon të bëjë transparencën e veprimtarisë së punës së Gjykatës së Shkallës së Parë të Juridiksionit të Përgjithshëm Elbasan, nëpërmjet pasqyrit të tij në portalin www.gjykata.gov.al.

➤ Gjykata ka publikuar në faqen e saj elektronike zyrtare informacionin dhe dokumentacionin e disponuar prej saj, të parashikuar nga ligji. Në kuadër të ligjit për të drejtën e informimit gjatë këtij viti janë trajtuar nga gjykata disa kërkesa për informim. Për të gjitha kërkesat, brenda afatit ligjor është vënë në dispozicion informacioni i kërkuar pa cënuar të drejtat e tjera, siç është mbrojtja e të dhënave personale. Për ti ardhur në ndihmë publikut dhe për një transparencë më të madhe, në faqen Web të gjykatës, është publikuar i plotë, i gjithë informacioni statistikor i gjykatës, për vitin 2023, sipas standartizimit nga KLGJ.

➤ Në raport me median, gjykata ka trajtuar kërkesat për informacione apo ndjekje të seancave gjyqësore për çështje për të cilat kanë patur interes publik. Në këto raste media apo gazetarët personalisht janë informuar me anë të njoftimeve elektronike nga ZMP si dhe në raste të tjera të veçanta me kërkesë të tyre është mundësuar prezenca në seancat gjyqësore publike, duke mbajtur shënime apo dhe pamje filmike. Koordinimi me informacionet e kërkuara dhe të dhëna nga ana jone është periodik dhe i suksesshem. Vendosja e specialistit të ri për Marrëdhëniet për Publikun dhe Mediat, në muajin dhjetor 2022 ka rritur transparencën.

➤ Po kështu, gjatë 2023 janë zhvilluar aktivitete me nxënës të shkollave të mesme të qytetit Elbasan në mjediset e gjykatës, ku spikat gjyqi imitues i nxënësve të Gjimnazit “Dhaskal Todri”, por pa lënë pa përmendur edhe aktivitetet me nxënësit e gjimnazeve “Ahmet Dakli” dhe “Liria”.

Gjykata ka publikuar në faqen web, si dhe në rrjetet sociale të saj, videot e këtyre aktiviteteve.

Gjykata ka predispozicionin që aktivitete të tilla të zhvillojë edhe gjatë vitit 2024.

7. Çështjet e infrastrukturës, ruajtjes dhe sigurisë në gjykatë.

Në vitin 2023 janë marrë masa për përmirësim në drejtim të sistemit të monitorimit të lëvizjeve në ambientet e brendshme të gjykatës. Gjithashtu janë marrë masa për monitorimin dhe mirëfunksionimin e sistemit të integruar për mbrojtjen nga zjarri, përmbytjet dhe rreziqe të tjera. Po ashtu janë hartuar rregullat për garantimin e rendit dhe sigurisë në gjykatë.

Gjatë vitit 2023 kanë funksionuar normalisht 10 salla gjykimi, të pajisur me PC, mixer për regjistrimin audio, printer dhe monitorë TV (për rastet e seancave kur duhen të shfaqen video të dorëzuar si provë nga palët pjesmarrëse). Gjatë këtij viti, në çdo sallë janë instaluar nga KLGJ edhe nga 2 kamera, që do të bëhen funksionale gjatë vitit 2024.

Kushteve e godinës së gjykatës garantojnë plotësisht elementët e sigurisë përsa i përket lëvizjes së veçantë të gjyqtarëve e të palëve. Po ashtu parkimi i gjykatës ka hapësirë të mjaftueshme për administratën gjyqësore dhe garantimin e sigurisë, pasi hyrja e parkimit është pajisur me qepen dhe me 4 kamera sigurie.

Në muajin dhjetor u shfaq një problem serioz me sistemin ngrohës-ftohës të godinës. Për këtë arsye, kemi kërkuar nga KLGJ të akordojë fondet e nevojshme, sipas preventivit të përcaktuar nga eksperti i kësaj fushe, në mënyrë që ky sistem të kthehet sa më shpejt në funksion, dhe të mos pengohet zhvillimi i proceseve në gjykatë.

8. Administrimi i fondeve publike për vitin 2023

Për vitin 2023 Gjykata e Shkallës së Parë të Juridiksionit të Përgjithshëm Elbasan, ka funksionuar me një nr. punonjësish, sipas listë pagesës prej 46-50 punonjes në fund të vitit, nga të cilët janë paguar 16 gjyqtarë në fund të vitit 2023 (nga këta 3 të pezulluar nga KPK , 1 arrest shtëpie, një leje lindje), 15 sekretare gjyqësore dhe 18 punonjës administrate. Për këtë nr. punonjësish është shpenzuar një fond page + sigurime = 109 347 mijë leke nga 109 800 mijë leke që ishte plani i buxhetit të shtetit për keto zera, ose në përqindje realizuar 100%.

Për shpenzimet operative është celur një fond nga buxhetit i shtetit në vlerën 13 700 mijë lekë për vitin 2023, i cili është realizuar në masën 13.650 leke, ose matur në % është realizuar 100%.

Përdorimi i këtij fondi është shpërndarë si më poshtë:

-43 % e fondit është përdorur për mbulimin e shpenzimeve për shërbime të përgjithshme si energji, postë, ujë. respektivisht në vlerën 5 920 mijë lekë. Shërbimi postar, krahasuar me vitin 2022 është në rënie, për shkak se nr. i gjyqtarëve për 9 muaj ka qenë 6 gjyqtarë. Në Tetor 2023 u shtua numri i gjyqtarëve.

-13% e fondit është përdorur për shërbim avokatie, ekspert, psikolog, përkthyes, ose 1 700 mijë lekë. Këtu, duhet të mbahet në vëmendje, në lidhje me pagesën e eksperteve, nuk duhen paguar më tepër se 40 mijë leke **në zbatim të Udhezimit Nr.4 datë 12.12.2012.**

-20% e fondit është përdorur për mbulimin e shpenzimeve për materiale zyre si letër, tonera, kancelari, materiale pastrimi, shtypshkrime, botime 2 708 mijë leke.

-12% shpenzime për mirëmbajtje të paisjeve elektronike, ashensori, cillera, godine, në vlerën 1 617 mijë lekë.

-5% shpenzime të tjera, për karburant. pjesë këmbimi, siguracion, mirëmbajtje mjete transporti i gjykatës.

-Fond për investime nuk kemi patur, pasi prokurimi për pajisje elektronike është bërë i përqendruar nga KLGJ.

Pasqyrimi i fondeve në total:

Tabela 33

Nr	Përshkrimi i shpenzimit	mije leke		
		Plani në lekë	Realizuar në lekë	Realizuar në përqindje
1	Shpenzime për personelin paga dhe sigurime shoqërore	109 800	109 347	99.5 %
2	Shpenzime operative	13 700	13 650	100%
3	Shpenzime për avokate nga të ardhurat e institucionit	350	350	100%
4	Shpenzime për investime nga të ardhurat(Mbyllje koridori tek arkivi)	120	120	100%

Pasqyrimi i realizimit të investimeve: nuk kemi patur investime gjatë vitit 2023

9. Auditi i Brendshëm nga KLGJ dhe realizimi i detyrave

Në fund të vitit 2022, Gjykata e e Shkallës së parë të Juridiksionit të Përgjithshëm Elbasan është audituar nga Drejtoria e Auditimit të Brendshëm të Këshillit të Lartë Gjyqësor, për një periudhë 4 vjeçare, me Objekt auditimi: Informimi i menaxhimit mbi punën e bërë në Gjykatë, raportimi i gjetjeve dhe konkluzioneve për funksionimin e sistemeve të kontrollit të brendshëm, në përmirësimin e veprimtarisë dhe arritjen e objektivave. Më dt.20.01.2023 është dërguar raporti përfundimtar, ku në konkluzion të përgjithshëm thuhet shprehimisht: *Gjykata paraqet një performancë të mirë në menaxhimin e veprimtarisë gjyqësore, marrjen e vendimeve strategjike operacionale, mbikqyrjen e administrimit të riskut dhe kontrolleve për një administrim efektiv të punës organizative dhe përgjegjësi.*

Pra në tërësinë e tij, menaxhimi administrativ i Gjykatës së Shkallës së Parë të Juridiksionit të Përgjithshëm Elbasan, duke patur parasysht dhe rekomandime të veçanta, të cilat janë në ndjekje dhe zbatim, ka qenë i mirë, i vlerësuar në përgjithësi me risk të ulët dhe në raste të pakta me risk të mesëm.

Duke qenë se në raportin e auditit janë lënë edhe detyrat për tu realizuar, gjatë vitit 2023, gjykata jonë ka realizuar pjesë kryesore të detyrave të lëna.

10. Marrëdhëniet me institucionet e tjera.

➤ Gjykata e Shkallës së Parë të Juridiksionit të Përgjithshëm Elbasan ka bashkëpunuar në mënyrë të vazhdueshme me institucionet si Këshilli i Lartë Gjyqësor, Ministria e Drejtësisë dhe Shkolla e Magjistraturës me qëllim plotësimin e kërkesave dhe marrjen e masave për trajtimin e ankesave, kryerjen e procesit të hartimit dhe administrimit të statistikave dhe ndjekjen e trajnimit vazhdues të gjyqtarëve dhe administratës gjyqësore. Edhe në vitin 2023

gjyqtarët kanë ndjekur trajnimet vazhduese të organizuara kryesisht nga Shkolla e Magjistraturës.

➤ Në vitin 2023 janë zhvilluar disa takime formale dhe joformale dhe është rritur bashkëpunimi me institucionet si Prokuroria e Shkallës së Parë të Juridiksionit të Përgjithshëm Elbasan, Komisariati i Policisë dhe Bashkia Elbasan, kryesisht për përmirësimin e procedurave që lidhen me plotësimin, paraqitjen dhe shqyrtimin e urdhërave të mbrojtjes, komunikimit sa më të shpejtë të vendimeve gjyqësore me qëllim zbatimin e menjëhershëm të tyre.

➤ Është bërë e mundur përfaqësimi i viktimave me avokat falas në rastet kur e kërkojnë. Gjatë vitit 2022, falë bashkëpunimit me Ministrinë e Drejtësisë dhe Ambasadën e Austrisë në Tiranë, është bërë e mundur hapja e një zyre që ofron ndihmë juridike të garantuar nga shteti. Kjo zyrë e vazhdon edhe aktualisht aktivitetin në Godinën e gjykatës, duke rritur aksesin e shtresave vulnerabel në drejtës. Po ashtu, është ndjekur praktika e mëparshme për përcaktimin e listës së avokatëve kryesisht për periudhën e gadishmërisë, falë bashkëpunimit me Dhomën Vendore të Avokatisë Elbasan.

➤ Bashkëpunimi me Prokurorinë pranë Gjykatës së Shkallës së Parë të Juridiksionit të Përgjithshëm Elbasan, Dhomën e Avokatisë, Shërbimin Postar, Komisaritet e Policisë, I EVP në juridiksionin e gjykatës dhe institucione të tjera vendore, ka ndikuar pozitivisht në menaxhimin e qarkullimit të çështjeve gjyqësore. Në kuadër të përmirësimit të cilësisë së shërbimit gjyqësor, Gjykata e Shkallës së Parë të Juridiksionit të Përgjithshëm Elbasanka ndërmarrë inisiativën për realizimin e takimeve dhe komunikimeve të vazhdueshme për marrjen e masave me qëllim rritjen e efektivitetit të drejtësisë, të lindur si nevojë nga ndryshimet në K.Pr.Civile dhe në K.Pr.Penale.

Një rëndësi të veçantë, gjykata i ka kushtuar edhe takimeve me nxënës maturante, duke ndihmuar këta të fundit në formimin e karrierës.

Në përfundim, duke përfituar nga rasti, falenderimet u shkojnë të gjithë gjyqtarëve, sekretareve gjyqësore si dhe gjithë stafit të gjykatës, të cilët me angazhimin e tyre kanë bërë të mundur përmbylljen e një viti shumë të ngarkuar dhe të vështirë për gjykatën tonë. Ju urojmë të gjithëve: Suksese për vitin 2024.

Elbasan, më 18.03.2024

Punoi:

- Matilda Fetau (Zv/Kryetare)
- Ledio Sulkuqi (Kancelar)
- Ardian Pali (Specialist IT)

**ZV.KRYETARE E GJYKATËS
MATILDA FETAU**